

**21 АВГУСТА: Празднование Пресвятѣй Владѣице нашей
Богородице ради иконы Ея, именѹемая «Толгская».**

Вечером 20 августа

Изменяемое №1

На Господи воззвах:

Стѹх: Изведи из темницы душу мою, исповѣдатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония назиши, Господи, Господи, кто постоит; яко у Тебе очищение есть.

Глас 1: Крайним Своим Благоутробием/ человеческий род управляяй Всевидец Бог/ к содержанию и спасению/ многую благодать даёт Ти, Чистая./ Моисей, неопалимую купину видя,/ предоущает нетленное девство твоё, Богоневестная,/ Трифон святитель,/ столп огненный усмотрев,/ глаголет явление твоё, на Толге бывшее./ О благонадёжного Твоего заступления!/ О Божия толкаго в Тебе величия, Дево Чистая,/ чудесная в немощи Помощнице!

Стѹх: Имене ради Твоего потерпех Тя, Господи, потерпё душа моя в слово Твоё, уповая душа моя на Господа.

Крайним Своим Благоутробием/ человеческий род управляяй Всевидец Бог/ к содержанию и спасению/ многую благодать даёт Ти, Чистая./ Моисей, неопалимую купину видя,/ предоущает нетленное девство твоё, Богоневестная,/ Трифон святитель,/ столп огненный усмотрев,/ глаголет явление твоё, на Толге бывшее./ О благонадёжного Твоего заступления!/ О Божия толкаго в Тебе величия, Дево Чистая,/ чудесная в немощи Помощнице!

Стѹх: От стражи утренния до ночи, от стражи утренния, да уповает Израиль на Господа.

Станным Своим советом, Нетленная Дево,/ устрой Тя Владыка всех/ в предстательство земным известное./ Столп огненный

Израилю предводитель бысть/ в землю обещанную,/ огнём
дышащее моление твоё возносит верныя/ в Небесное блаженство./
О преславнаго Твоего бдения!/ О усерднаго к нам, грешным,
рачения, Дево Чистая,/ Божие к смертным благоволение!

Стѹх: Яко у Господа милость, и многое у Него избавление, и Той избавит
Израиля от всех беззаконий его.

Глубиною мудрости избра Тя, Всечистая,/ вся твари Зиждитель
Бог/ и постави на Толге Врачебницу безмездную./ Кто бо, в нужде
притекая к Тебе,/ смертоносный не уврачуе язвы?/ Источник бо
нетления бывши,/ излила еси миро многоцелёбное/ верным в
духовное веселие,/ болезней во укрощение, Дево Чистая,/ светлое
благодати познание.

Стѹх: Хвалите Господа вси языцы, похвалите Его вси людие.

Человеколюбную Свою милость/ к человеческому роду показуя,/
Христос Господь благоволением и Советом Отчим неиспытанным/
Пренепорочную и Очищенную Духом Святым/ являет на Толге в
иконе чудотворней/ в защищение верным Матерь Свою./ О толикаго
промысла, щедролюбия и таинства Божия!/ О нетленного
девственный благодати сокровища!/ Имже обогативши ненадёжные
души наша,/ представи я святы Сына Твоего Престолу,
Богоневестная.

Стѹх: Яко утвердися милость Его на нас, и истина Господня пребывает во век.

Свет неведущественный святитель видя/ в вещественном телеси,/ в
полунощи тайно к Тебе приходит, Всечистая,/ и, узрев Божественное
светлаго Твоего явления действие,/ за милосердие многое/ к
человеческому естеству во благодати бывшее,/ припадая со
усердием и тёплыми, моляшеся, глаголя:/ радуйся, чудесное душ
человеческих примирение.

Слава, и ныне, глас 8: Приидите, вернии,/ чудесное девственное
пресветлаго зрака/ на Толге восхвалим явление,/ се бо вторая гора
Хорив,/ на нейже купину, огнём горящую, святитель виде./ Се место
и земля святая,/ на нейже приносится Богу Живому жертва,/ се столп
огненный,/ имже свободдаемся лютыя мысленнаго фараона
работы./ Се камень горы Хорива,/ от негоже вместо сладких вод/

безцѣнное на укрощѣние недѣгов излияно мѣро,/ се пустыня
животныя манны,/ еѣже насытивши нас духовне, Пречѣстая,
сподоби и Царствія Сына Твоего.

<далее см. основной Чин>

Изменяемое №2

Прокѣмен после «Свѣте тихий»: *См. Прокѣмен дня <далее см. основной Чин>*

Изменяемое №3

Паримии:

Исхода чтѣние (главы 3, 1–5):

Вниде Моисей в гору Божию Хорив./ Явиже ся ему Ангел
Господень в пламени огненне из купины;/ и виде, яко купина горяше
огнем/ и купина же не сгараше./ Рече же Моисей:/ прешед, узрю
видение великое сие,/ что яко не сгарает купина?/ Якоже виде
Господь, яко приступает видети,/ призвал его Господь из купины,
глаголя:/ Моисее, Моисее!/ Он же рече: что есть?/ И рече:/ не
приблизися семо:/ изуй сапог от ног твоих,/ место бо, на немже ты
стоиши,/ земля свята есть.

Исхода чтѣние (глава 13, 18–22):

Обведе Бог люди путем,/ иже в пустыню к Чермному морю./ Пятаго
же рода изыдоша сынове Израилевы от земли Египетския./ И взя
Моисей кости Иосифовы с собою,/ клятвою бо заклал Иосиф сыны
Израилевы, глаголя:/ присещением присетит вас Господь/ и
изнесете отсюда кости моя с собою./ Воздвигшися же сынове
Израилевы от Сокхофа,/ ополчѣшася во Офоме при пустыни./ Бог же
вождаше их:/ в день убо столпом облачным, показати им путь,/ и
нощью же столпом огненным, светити им./ И не оскуде столп
облачный во дни/ и столп огненный нощью пред всеми людьми.

Исхода чтѣние (глава 17. 1–6):

Воздвигшися весь сонм сынов Израилевых/ от пустыни Син по
полком своим словом Господним/ и ополчѣшася в Рафидине./ Не
бѣше же воды людем пи́ти./ И хуляху людие Моисея, глаголюще:/
даждь нам воду, да пи́ем./ И рече им Моисей:/ что ху́лите мя? И что
иску́шаете Го́спода?/ Возжаждаша же тамо людие воды и ропта́ху на
Моисея, глаголюще:/ вскую́ сие?/ Извел еси нас из Египта уморити
нас, и ча́да на́ша, и скоты́ жа́ждею?/ Возопи же Моисей ко Го́споду,

глаголя:/ что сотворю людем сим?/ Ещё máло, и побьют мя камением./ И рече Господь к Моисею:/ пойдй пред людми сими,/ и поими с собою от старец людских,/ и жезл, имже пресе́кл еси мо́ре, возьми в ру́ку твою́, и пойдй./ Аз же стану та́мо пре́жде пришёствия твоего́ у камене в Хорíве./ И удариши в камень, и изы́дет из него́ вода́,/ и да пью́т лю́дие./ Сотвори же Моисей та́ко пред сыны Изра́илевыми.

<далее см. основной Чин>

Изменяемое №4

Лития *глас 6:*

Кто, сицевое пресла́вное чу́до/ видя, не удиви́тся?/ Или́ кто, благоутро́бие Ма́тернее/ рассужда́й, не ужа́снется?/ Яко во огни́ зра́ка Своего́/ не изменя́ет Де́ва Всенепоро́чная./ Бо́жия бо це́рковь, попуще́нием Бо́жиим,/ огнём соже́гшися, паде́,/ но зрак пресвётлаго лица́ Твоего́,/ а́нгельскими рука́ма от пла́мене изнесён,/ стоя́ на дре́ве яви́ся,/ све́том сия́я невреди́мо./ Но, о Благоутро́бная Влады́чице!/ Печа́ли сопроти́вление,/ ско́рбь на ра́дость бра́тии претворя́ющая,/ да́ждь на враги́ побéду стране́ на́шей/ и всем лю́дем одоле́ние лю́тых страсте́й,/ лиша́ющих наде́жды спасе́ния.

Глас 2: Приидите, Яросла́встии лю́дие,/ и хвали́тесь, с весе́лием ликовству́юще,/ Бо́жия бо Ма́ти вас ми́лостивно посети́ чудотво́рным Свои́м о́бразом святы́м,/ имже да́рует в ну́ждах посóбие,/ в ско́рбех исцеле́ние,/ в беда́х избавле́ние/ и всем нам подаёт ве́лию ми́лость.

Сла́ва, и ны́не, глас 8: Свети́ся, сла́вный гра́де Яросла́вль,/ обрета́я близ себе́ оби́тель сию́, яже на То́лге,/ в нейже е́сть свети́ло ве́лие, присноприходя́щее к Тебе́./ А́нгели сея́ трепещу́т, и челове́цы ту́ю воспева́ют:/ ра́дуйся, неисповеди́мая ра́досте́ всем, Свята́я Де́во;/ ра́дуйся, о́бразом Свои́м святы́м нас просвеща́ющая;/ ра́дуйся, всем исцеле́ние во вся́ких ско́рбех подава́ющая;/ ра́дуйся, от вся́ких бед и зол избавля́ющая;/ ра́дуйся, всем похвало́,/ и нам, ве́рным, утвержде́ние, и душа́м спасе́ние;/ ра́дуйся, Невéсто Неневéстная.

<далее см. основной Чин>

Изменяемое №5

По полиелёи седа́лен *глас 8:*

Велічїе твоє кто исповести мѡжет, Всенепорѡчная Дѣво?/
Явлѣнїем бо Твоїм всю удивїла еси Россїю,/ от икѡны бо Твоея
истѣкшее мїро многїя уврачевá недуги и исцели́ болѣзни./ О
Всеми́лостивая Влады́чице!/ Не отри́ни нас и ны́не в бедáх от Твоегѡ
заступлѣнїя,/ но молїтвами Твоїми защитї и спасї,/ страну́
Россїйскую мїром оградї,/ да, Тобо́ю хвалѣющееся и все упѡванїе на
Тя возлагáюще,/ не постыдїмся во вѣки.

Слáва, и ны́не, тѡйже. <далее см. основной Чин>

Изменяемое №6

Степѣнна, 1-й антифѡн 4-го гласа.

Прокїмен *глас 4:* Помяну́ ѡмя твоѡ/ во всяком рѡде и рѡде. *Стих:*
Слы́ши, Дщи, и вїждь, и приклонї́ у́хо твоѡ.

<далее см. основной Чин>

Изменяемое №7

По 50-м псалмѣ стихїра *глас 6:*

Сей дѣнь Господѣнь,/ торжествуйте, людіе,/ се бо светѡнѡсный
ѡблак/ на воздусѣ чудесне простира́ется,/ и столпѡм ѡгненным на
Тѡлге вїдимо явля́ется/ Еді́на и Еді́наго/ на руках ма́терних
держáщи,/ Христá, Зиждїтеля вселѣнныя,/ во спасѣнїе душ нáших.

<далее см. основной Чин>

Изменяемое №8

Канѡн *глас 8.*

Песнь 1

Ирмѡс: Вѡду прошѣд, я́ко сýшу,/ и егїпетскаго зла избежáв,/ Израїльтянин
вопя́ше:/ Избáвителью и Бѡгу нáшему поїм.

Ум мой, многими напáстьми помрачѣнный, просветї, Дѣво, Свет
рѡждшая Божѣственный,/ вѡлю, в добродѣтели унывáющую,
воспламенї́ свящѣнною любѡвию,/ пáмять, в славослѡвии
изнемога́ющую, укрепї,/ да пресвѣтлое твоѡ на Тѡлге явлѣнїе
воспою́ достѡйно, Чїстая.

Хра́ме Трисѡлнечнаго Свѣта прекрáсный,/ украсї́ моя́ чýства,
молю́ся,/ да, всѣми чýствами целомудрен сый,/ честнѡе твоѡ на Тѡлге
явлѣнїе целомудренно воспою́, Чїстая.

К Твоѣй пресвѣтлаго зрáка икѡне припадаю, ока́янный:/ дýшу мою́
просветї, яви́ и тѣло несквѣрно/ и, от лю́тых мя недýгов

свободѣвши,/ покажи причастника наслѣдія Небѣснаго,
Богоневѣстная.

Якоже столпом огненным зарю Твоего зрака явила еси
Богоносному святителю,/ тако и ныне светом благодати являеши
верным твоё скорое предстательство и заступлѣние./ Призри убо на
рабы, призывающія Тя и требующія Твоей помощи, Благодатная,/
даруй странѣ Россійстей на враги державное одолѣние,/ виновна бо
еси всех благих, вѣчную благодать нам воплотившая,/ Небеси хвало и
миру Помощнице.

Пѣснь 3

Ирмос: Небѣснаго круга Верхотворче, Господи,/ и Цѣркве Зиждителю,/ Ты мене
утверди в любви Твоей,/ желаний краю, верных утверждѣние,/ Еди́не
Человеколю́бче.

Низложи во мне налоги бесовския,/ гордость в добродѣтелях,
лицемеріе в святости,/ тщеславіе во бдѣнии, высокоуміе в
благоговѣнии/ и неблагодарность в благодеяніих Сына Твоего,
Еди́на Всепѣтая Дѣво.

Странна мя любочестія сотвори, молю Тя, Дѣво,/ и чужда
любопытства о человѣческих согрѣшеніих,/ дерзость и излишнее на
милость Сына Твоего упованіе отдалі от мене,/ да достойны Сыну
Твоему плоды принесу, еди́на Пречистая.

Начало и худость моего естества познавая, молю Тя, Дѣво,/ даждь
ми презрѣніе самолюбія, бѣгство человѣческа хвалы,/ познание
собственного грѣха и собственныи немощи, Еди́на Богоблаженная.

Краткий всех вещей и всего міра смертнаго конец/ и мучѣніе
будущее за суету́ деяній тщеславных помышляти сподоби мя,
Дѣво,/ да, благодатию Сына Твоего к пути истиннаго покаянія
наставлен,/ вѣчнаго избѣгну проклятія, Пренепорочная.

Ин конда́к, глас 8: Странное и богоприятное светоноснаго зрака
Твоего явлѣніе,/ Пречистая Дѣво,/ с верою взирающим бываѣет
извѣстное чаяніе спасенія,/ столпом бо огненным являючи
предстательство,/ неусыпное и тёплое за ны к Бо́гу возсылаеши

моленіе,/ ѿмже от всяких бед избави, молися,/ да радостными усты
вопием Ти вси:/ радуйся, Ходатаице вѣчнаго блаженства.

Седáлен, глас 4: Столп Твой о́гненный еди́ну печáть благодáти Твоея
сильнѣйшую мним, Всенепорóчная,/ сѣю бо в соблюденіе
зáповедей Сы́на Твоего́ и Бо́га печáтаеши вѣрных сѣрдца
прекрѣпко,/ да не враг, хуля́щий ѿмя твоѣ, преодолев лѣстию,/
порабо́тит ны, рабы́ Твоя́, в погѣбель кромѣшнюю./ Но
поспѣшеством блага́ости Твоея́, с Твоѣм зна́мением,/ пока́жемся
именіты наслѣдницы Ца́рствія Нетлѣннаго, Пречі́стая Дѣво.

Слáва, и ны́не, глас 8: Возбранное нам и дѣ́вное избавленіе
дарова́ся,/ о́браз Твой честны́й, Преблагословѣ́нная Госпожѣ́ Дѣво
Богоро́дице,/ к нему́ же мы взира́юще, сѣ́че к Тебѣ́ зове́м:/ радуйся,
святі́телем благоле́пие;/ радуйся, прибѣ́жище на́ше, и упова́ние, и
спасе́ние;/ радуйся, красото́ и сла́во оби́тели То́лгскія и всея́ Росси́и
прибѣ́жище и защи́щеніе;/ радуйся, Невѣ́сто Невѣ́стная.

Пѣснь 4

Ирмо́с: Услы́шах, Го́споди,/ смотре́нія Твоего́ та́инство/ разуме́х дела́ Твоя́/ и
просла́вих твоѣ́ Божество́.

Жестоко́сѣрдием отягче́ннаго мя обле́гчи,/ немилосѣ́рдием к
тре́бующим окамене́нную утробу́ мою́ умягчи,/ бу́рею сребролю́бія
объя́таго мя ути́ши, Богоневѣ́стная Влады́чице.

Во упова́нии тлѣ́нных и вре́менных веще́й не оста́ви мя/ и пла́мень
хи́щенія непра́веднаго, бѣ́дною милосѣ́рдія Твоего́ покры́еши,/ уга́си во мне, Еди́на Приснодѣ́во.

Идолослужѣ́ние в лихоима́нии/ и безбо́жность в заблужде́нии
ѿстиннаго благоче́стія и Правосла́вныя вѣ́ры/ потреби́ от
правосла́вных, Влады́чице,/ и вко́нѣц разори́ от единовѣ́рных,/ да
единоду́шно восхва́лим Тя, Еди́на Приснодѣ́во.

Ум мой, молю́ Тя, благоустрой/ к позна́нію Еди́наго Су́щаго Бо́га, к
разсмотре́нію вѣ́чных благ,/ и щедролю́біе да́руй ми, я́коже
Таві́фе,/ и благодáтию Христо́вою украси́ мя, я́коже Корни́лія
со́тника, Еди́на Приснодѣ́во.

Пѣснь 5

Ирмѡс: Просвети нас повелѣнии Твоими, Господи,/ и мѡщию Твоею высокою/Твой мир подаждь нам,/ Человеколюбче.

Огнь нечистоты и всякая скверны во мне разжизательный/ морем благодати Твоей потопи, и мглу греховную разжени,/ и сердце мое радости исполни, Всенепорочная.

Срамословию безобразному не даждь во мне места, Владычице,/ селение соблазнов разори,/ храм мя чистоты и всякого благочестия содейлай,/ да чистыми усты величаю Тя ныне, Всенепорочная.

Смерть, суд, геенну, Царствие Небесное в памяти моей углуби, Владычице,/ да, поне последняя сия в памяти содержа, налоги лютых беззаконий оставлю/ и по смерти моей получу Тобою Царство Небесное,/ ныне же величаю Тя присно, Единое души моей упование.

Любовь сея жизни преизлишнюю/ и временного плотскаго покоя рачение отложу от мене, молю Тя, Чистая,/ да, суетнаго помышления избегу,/ Тобою получу нетленное на Небеси богатство,/ Единое души моей упование.

Пѣснь 6

Ирмѡс: Молитеву пролию ко Господу/ и тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:/ от тли, Боже, возведи мя.

Радости, к преогорчению ближняго низвлекающия, чужда мя содейлай, Пречудная Царице,/ о нестроениях искреннаго без печали быти не допускай мене, Человеколюбивая Владычице,/ и врагов злодействия избави мя, прилежно молю Тя, Всенепорочная.

Зависти в помысле моем не даждь вкореняться, рождаемая от корене свята, Дево,/ и братоненавидения избави мя, Чистая,/ да не завистию диаволею, принесяшею смерть в мир, помрачен быв,/ лишуся Божия благодати и жизни вечныя, Всенепорочная.

Равнодушие в бедах положи во мне, Всечистая,/ с радующимися в благополучии духовную радость,/ к сетующим в злосудии сожаление даруй ми, Пресвятая,/ и братолюбие по тому же естеству

и по приобщению тояжде благодати Христовы/ низпосли ми свыше,
любве пучину рождающая Деву.

Желание крайнее согрей во мне/ всякому по естеству и по имени
Христову от души благотворити, Благая,/ да не како злоб лютых
душа моя исполнится,/ и живот мой аду приблизится,/ и предан буду
без милости, яко не сотворивый милости,/ во тьму кромешную,
Всепорочная.

Кондак, глас 8: Чудное и богоприятное светлоснаго зрака Твоего
явление, Пречистая Деву,/ с верою взирающим бывает известное
чашение спасения,/ столпом бо огненным являючи предстательство,/
неусыпное и теплое за ны к Богу возсылаеши моление,/ имже страну
Российскую от всяких бед избави, молися,/ да радостными усты
вопием Ти вси:/ радуйся, Предводительнице вечнаго блаженства.

Икос: Лучезарная Твоего явлению на Толге светлость дивно
блистанием своим всех осиявает,/ Божиею бо в Тебе сущую
благодатью ближайшая Богу бывши,/ всем познавшим Тя истинную
Богородицу земнородным подаеши независтную исцеления
радость,/ еюже вся земля Российская преизобильно обогатившись
ныне,/ веселится непрестанно и вопиет Тебе с единовѣрными:/
радуйся, Предводительнице вечнаго блаженства.

Пѣснь 7

Ирмос: От Иудеи дошедше, отроцы/ в Вавилоне иногда/ верою Троицкою
пламень пещный попраша, поюще:/ отцев Боже, благословен еси.

Веселие мирское пресецы и душетленное пристрастие умертви во
мне, Деву,/ презрение временных, желание вечных благ и
нетленную радость подаждь ми с поющими:/ отцев Боже,
благословен еси.

Безчинное утешение и излишество, ум вредящее,/ душе скверну
раждающее, отлучи от мене, Деву,/ и сподоби, телу здравие нужное
подаваючи, житию же утешение довольное,/ предвкушением
вечных благ наслаждаться купно с поющими:/ отцев Боже,
благословен еси.

Грехом, смѣрть лю́тую ражда́ющим, оскверни́х и окаля́х ду́шу мою́,/ но Ты, Пречи́стая Влады́чице, очисти́ мя от сего́, и наста́ви на богоуго́дное жити́е,/ украси́ же воздержáнием и благоговéнием, и да́ждь ми чи́стым сёрдцем пéти:/ отцёв Бóже, благословéн еси́.

Обнови́ мя, омрачённаго самолю́бием,/ просвети́ свѣтом зра́ка Твоего́ Влады́чице,/ и, по́хоти плотскія́ укрот́ивши во мне,/ сподóби мя Рóждшемуся от Тебé непрестáнно чи́стыми усты́ пéти:/ отцёв Бóже, благословéн еси́.

Пѣснь 8

Ирмós: Царя́ Небéснаго,/ Егóже пою́т во́и А́нгельстии,/ хвалíte и превозносите́ во вся вéки.

Возму́щение душі́ моёй утоли́, Всенепорóчная,/ от клеветы́ навѣтующих изба́ви мя,/ вражду́ грехóвную во мне укрот́и/ и нéнави́сть с памятозлóбием отврати́ от менé, Дéво,/ да прославля́ю Тя, Чи́стая, во вéки.

О́гнь я́рости, во мне зело́ разжжéнный, росóю благодáти Твоея́ угаси́,/ хулу́, умножа́ющую душі́ моёй озлоблéние,/ и всякий вид злóбы, гнездя́щийся в сёрдце моём, искорени́, Дéво,/ да прославля́ю Тя, Чи́стая, во вéки.

Образ благодáти Бóжия напиши́, Всечи́стая, в душі́ моёй/ и печáтию мило́сти Твоея́ укрепи́ и утверди́ мя,/ да, всех злоб изба́влен, ми́рными усты́ прославля́ю Тя, Чи́стая, во вéки.

Крóтости и незлóбия Твоего́ не отыми́ от менé, Пренепорóчная Дéво,/ терпе́ние ми да́руй твёрдое во искуше́нии, да, ра́дуясь, прославля́ю Тя, Чи́стая, во вéки.

Пѣснь Богородицы: Вели́чит ду́ша моя́ Го́спода: <см. основной Чин>

Пѣснь 9

Ирмós: Вои́стинну Богороди́цу/ Тя испове́дуем,/ спасéннии Тобо́ю, Дéво Чи́стая,/ с безплóтными ли́ки Тя велича́юще.

Ско́рби сёрдца моего́ отложи́,/ уны́ние, презира́ющее благодáть, отыми́ от менé/ и ле́ность ко взыска́нию добродéтели потреби́ огнём благодáти Твоея́, Чи́стая.

Малодушием унывающего мя оживи, отчаянием падшаго
возстави,/ лишением и нерадением добрых мертваго воскреси,
Дэво,/ Жизнь безсмертную рождающая.

Усердие во мне к Божией воли созижди благодатию Сына Твоего,/
ревность ко славе Божией воспламени в сердце моем,/
благоговение ко святыни Божией устрои/ и постоянство в
благодеейнии даруй ми, Дэво,/ Предводительнице моего спасения.

Любовь Небесная сладости в недра души моей всади,/ попечение
вечных благ свыше послы ми,/ умиление к покаянию и сокрушение к
исправлению даждь ми, Дэво,/ лучезарным сиянием чудесне
являющаяся.

<далее см. основной Чин>

Изменяемое №9

Светилен *глас 6:*

Достойное днесь Матери, Творца всех рождающей, почтение
воздадим, вернии,/ сия бо явлением Своим дверь райскую
отверзает, и нас от скверны очищает,/ и на враги страны нашей
подаёт одоление.

Слава, и ныне, тойже. <далее см. основной Чин>

Изменяемое №10

На стиховне стихиры *глас 8:*

Что Тя наречём, Богородице?/ Воскресение ли мёртвых,/ яко от
сна воскресила еси отрока при надгробием пении?/ Зарю ли
утреннюю,/ бодрствуеши бо непрестанно тёплыми к Богу
молитвами?/ Столп ли огненный, грехи поядающий?/ Или землю,
Хлеб Жизни произращающую?/ Моли спастися душам нашим.

Стих: Освятил есть/ селение Своё Вышний.

Что Тя наречём, Богородице Дэво?/ Цвет ли рая Божественнаго,/
яко на Толге украсила еси пустыню?/ Воню ли благоухания
сладкаго,/ яко Толгскую обитель облагоухала еси?/ Сосуд ли
дивная масти,/ яко миро целебное излила еси,/ недужным
врачевание подающи?/ Моли Сына Твоего, Христа Бога нашего,
спастися душам нашим.

Стих: Бог посреде его,/ и не подвижится.

Что Тя наречём, Богорóдице?/ Источник ли животворных вод,/ яко Ты духовную утоляеши жажду?/ Стéну ли крѣпку,/ яко Ты Россію и град наш Ярославль защищаеши/ и сию Спасáеши обитель?/ Твёрдь еси грѣшником извѣстнейшая,/ возводящая к Небесі вѣрныя,/ моли Христá Бóга/ спастіся душáм нашим.

Слáва, и ны́не: Рáдуйтесь, вѣрных собóри,/ и все человѣческое, лику́й, естество,/ яко Пречістыя Дѣвы/ честна́го зра́ка явлéнием на Тóлге/ град Ярославль спасáется./ сего́ ра́ди вси, от належа́щих нужд избавляеми,/ вопи́ем Влады́чице:/ рáдуйся, благіх вино́вная,/ извѣстное христиáн упováние.

<далее см. основной Чин>

Утром 21 августа

Изменяемое №11

По 1-м стихослóвию седáльны *глас 4:*

Пресвѣтлаго зра́ка Твоегó явлéние на Тóлге рáдость принóсит всем вѣрующим,/ и град Ярославль тяжких скорбѣй свободáется,/ богáтство блага́сти несказáнно в обители процветáет./ К Нейже вси, бед избáвльшеся лю́тых, кúпно с Гаври́лом возопи́м:/ рáдуйся, Благодáтная!/ Из Тебѣ бо спасéние Христóс Бог наш, естество́ наше приёмый, угото́ва нам,/ Егóже моли́ спастіся душáм нашим.

Слáва, и ны́не, Богорóдичен: *<далее см. основной Чин>*

Изменяемое №12

По 2-м стихослóвию седáльны *глас 4:*

Светові́дным явлéнием Тво́им и Божéственным блиста́нием озари́ сла́влящія Тя/ и ум к содержи́анию крѣпкому́ и́стиннаго благоче́стия просвети́, Пренепоро́чная Дѣво,/ нелóжна бо еси́ мíру все́му Предводительница к вѣчному́ ра́дованию./ сего́ ра́ди прáзднуем лю́бовию вси явлéние Твоегó зра́ка, славослóвяще Тя:/ не лиш́и нас Цáрствия Сы́на Твоегó, Еді́на Благословéнная.

Слáва, и ны́не, Богорóдичен: *<далее см. основной Чин>*

Изменяемое №13

Тропа́рь *глас 4:*

Днесь свѣ́тло сия́ет на Тóлге/ о́браз Твой, Пречі́стая Дѣво Богорóдице,/ и, яко со́лнце незаходи́мое,/ всегда́ вѣрным подаде́ся,/ и

Его́же ви́дев на возду́се,/ неvíдимо А́нгелы, я́ко никѣм, держѣма,/ преосвященны́й епископ гра́да Ростова́ Трифон/ течѣ ко явленному́ светя́щемуся столпу́ о́гненну,/ и по вода́м, я́ко по су́ху, прѣйде,/ и моля́шеся Ти ве́рно о па́стве и о лю́дех./ И мы, к Тебѣ притека́юще, зове́м:/ Пресвята́я Де́во Богоро́дице,/ ве́рно Тя сла́вящих Спасáй,/ страну́ на́шу, архиере́ев/ и вся Росси́йския наро́ды от всех бед избавля́й/ по вели́цей Твое́й мѣлости.

<далее см. основной Чин>

Изменяемое №14

На хвалѣтех стихѣры:

Стѣх: Сотвори́ти в них суд на́писан./ Сла́ва сѣя бу́дет всем преподо́бным Егѡ́.

Стѣх: Хвалѣ́те Бо́га во святы́х Егѡ́,/ хвалѣ́те Егѡ́ во утвержде́нии си́лы Егѡ́.

Стѣх: Хвалѣ́те Егѡ́ на си́лах Егѡ́,/ хвалѣ́те Егѡ́ по мно́жеству вели́чества Егѡ́.

Глас 4: Пресла́вное твоѣ́ на То́лге явле́ние, Пренепоро́чная Влады́чице,/ прокаже́нным е́сть очище́ние,/ торже́ство спаси́тельного помире́ния,/ оглаше́ние соедине́ния,/ свиде́тельство благоутро́бия Твоегѡ́,/ явственное усѣрдны́я любве́ ко грѣшным дарова́ние/ и к ѣ́стинному ве́ры утвержде́нию приле́жное наставле́ние.

Стѣх: Хвалѣ́те Егѡ́ во гла́се тру́бнем,/ хвалѣ́те Егѡ́ во псалти́ри и гу́слех.

Пресла́вное твоѣ́ на То́лге явле́ние, Пренепоро́чная Влады́чице,/ прокаже́нным е́сть очище́ние,/ торже́ство спаси́тельного помире́ния,/ оглаше́ние соедине́ния,/ свиде́тельство благоутро́бия Твоегѡ́,/ явственное усѣрдны́я любве́ ко грѣшным дарова́ние/ и к ѣ́стинному ве́ры утвержде́нию приле́жное наставле́ние.

Стѣх: Хвалѣ́те Егѡ́ в тимпа́не и ли́це,/ хвалѣ́те Егѡ́ во стру́нах и орга́не.

Ны́не проро́честии глаго́ли исполня́ются:/ освяти́л е́сть селе́ние Своѣ́ Вы́шний,/ Бог посреде́ егѡ́, и не подви́жится./ Чудесы́ бо, Тобо́ю на То́лге бы́вшими,/ селе́ние егѡ́ освяща́ется,/ и Бог благода́тию посреде́ сего́ пребыва́ет вы́ну,/ сего́ ра́ди кова́рным ухищре́нием и вра́жиими наве́ты/ не подви́жится во ве́ки.

Стѣх: Хвалѣ́те Егѡ́ в кимва́лех доброгласных, хвалѣ́те Егѡ́ в кимва́лех восклицáния./ Вся́кое дыха́ние да хва́лит Го́спода.

Столпом явления Твоего огненным/ и пламенем Божественным/
попали уязвляющее совесть мою терние/ и потоки изсуши
беззакония, Владычице,/ и не яви мя врагом быти радование,/ но,
лучами светоносного зрака Твоего/ всю коварную мглу их
разгнавши,/ озари мя незаходящего солнца светом,/ Всенепорочная
Владычице.

Слава, глас 8: Приидите, благочестивых собрания,/ приидите,
приступите и просветитесь,/ се бо во славе света Владычица
Небесных чинов/ со пресветлым Своим приходит зраком,/ Сына
Своего на руках держащи,/ да спасет страну Российскую/ и град наш
Ярославль и обитель сию./ О, паче ума чудо преславное!/ Како
явлением светоносного Твоего зрака/ дуси лукавии прогоняются,
болезни укрощаются,/ и все естество человеческое,/ вину
избавления своего Тобою приими, вопиет Ти, Всенепорочная:/
радуйся, Ходатаице вечного блаженства.

И ныне, Богородичен: <см. основной Чин>

Изменяемое №15

Кондак глас 8:

Чудное и богоприятное светоносного зрака Твоего явление,
Пречистая Дево,/ с верою взирающим бывает известное чаяние
спасения,/ столпом бо огненным являючи предстательство,/ неусыпное и теплое за ны к Богу возсылаеши моление,/ имже страну
Российскую от всяких бед избави, молимся,/ да радостными усты
вопием Ти вси:/ радуйся, Предводительнице вечного блаженства.

Ин кондак, глас 8:

Странное и богоприятное светоносного зрака Твоего явление,
Пречистая Дево,/ с верою взирающим бывает известное чаяние
спасения,/ столпом бо огненным являючи предстательство,/ неусыпное и теплое за ны к Богу возсылаеши моление,/ имже от
всяких бед избави, молимся,/ да радостными усты вопием Ти вси:/
радуйся, Ходатаице вечного блаженства.

<далее см. основной Чин>

На Литургии

Изменяемое №20

Прокимен, *глас 3*: Велічит душá Мойá Гóспода,/ и возрадовася дух Мой о Бóзе, Спáсе Моём. *Стих*: Яко призрэ на смирэние Рабѣ Своея, се бо отнѣне ублажáт Мя вси рóди.

Другий прокимен, *глас 6*: Помяну́ імя Твоѐ/ во всяком рóде и рóде. *Стих*: Отрѣгну сѣрдце моѐ слóво благаго.

Изменяемое №21

Аллилуиа, *глас 8*: Слѣши, Дщи, и виждь, и приклоні́ ўхо Твоѐ. *Стих*: Лицѹ Твоемѹ помóлятся богáтии лю́дстии.